

Тазкия дарслари (140-дарс). Куфрнинг турлари

ТАЗКИЯ
140-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



17:00 / 12.06.2021 5165

Куфр тўрт хил бўлади:

1. Инкор куфри.

Бу хилдаги куфр эгаси ҳам қалби, ҳам тили билан куфр келтирган бўлади ва тавҳиддан ҳеч нарсани билмайди.

Бундай кишилар ҳақида Қуръони Каримнинг Бақара сурасида марҳамат қилади:

نُونُ مُمُؤِّيَ اَلْمُؤرْدُنُ تَمَلْمُؤْمُؤَرْدَنُ اَمُؤْمُؤَرْدَنُ a

«Албатта, куфр келтирганлар, уларни огоҳлантирсанг ҳам ёки огоҳлантирмасанг ҳам, уларга барибир, иймон келтирмаслар», дейилган (6-оят).

Яъни қўрқитсанг ҳам, қўрқитмасанг ҳам, кофирларга фойдаси йўқ, улар барибир иймон келтирмайдилар. Булар Аллоҳнинг тавҳидини инкор қилганлардир.

2. Жуҳуд (билиб туриб инкор қилиш) куфри.

Бу хилдаги куфрда қалби ила идрок қилса ҳам, тили билан иқрор бўлиб тан олмайди. Бундай куфрнинг мисоли шайтон ва Умайя ибн Солтга

Ўхшаганларнинг куфридир.

Бундай кишилар ҳақида Қуръони Каримнинг Бақара сурасида марҳамат қилади:

لَبَّ قَوْمًا أَتَوْاكَ وَكُمُوعًا مَّاءًا لَّمْ يَدْرُسُوا لَلَّادِنَّ عُنْمُ بَاتِكُمْ هَاجَ أَمَلًا
عُنَّ عِلْفٍ وَبِأُورْفِكْ أُوْفَرَعِ أَمْ هَاجَ أَمَلَفْ أُوْرْفِكْ نِيْدَلَّ عِلْعَ نُوْحَتْ فَتَسَي
نِيْرْفَاكُلَّ عِلْعَ لَلَّ

«Бас, уларга ўзлари билган нарса келганда, унга куфр келтирдилар», дейилган (89-оят).

3. Саркашлик куфри.

Бу хилдаги куфрда қалби ила идрок қилади, тили билан иқрор бўлади ва қабул қилишдан бош тортади.

Бундай куфрга Расули Акрам алайҳиссаломнинг амакилари Абу Толибнинг куфри мисол бўлади. У бошқаларнинг маломатидан қўрқиб, мусулмонликни қабул қилмаган.

4. Нифоқ куфри.

Бу куфр эгасининг дилида иймони йўқ бўлса-да, тилида иймонни даъво қилади.

«Руҳий тарбия» китоби асосида тайёрланди